



De Meächbaam.

Die Sunn verflammd so bluurig rood,
Als ob vun de Berje wirre
Mit Senge un Brenne, mit Krieg un mit Dood
Die Franzoose känden hernirre;
Un drunne im Dhälche, so friedlich un schdill
Mit seine Gämwel un Schdrooße,
E klähnes Dersche, wie e Idill
Weldfern un menscheverschdooße.

Am Bergrech, wo der Mächebaam schdeht,
Vum Blitzschdrahl de Schdamm verschbliddert,
In schtille Gedanke e Grookobb schteht,
Es Laab leis iwer 'm ziddert.
Er lauschdert un hald de Dochdem aⁿ
Un guckt enaus in die Weide,
Als wold sich dort ebbes uffem Waldweg nahⁿ,
Als hehrt er vun fern was leide.

De Hannfillb isses, der weid un brääd
Bekannnd als de reichschde Bauer.
Doch all seiⁿ Geld, es macht 'm kää Frääd,
Es schtimmd em nor drieb un sauer.
Seiⁿ Liffbet geschdorb, seiⁿ Määre krank
Un seiⁿ Perer, daß Gott erbarem
Verscholle schun siwe Johre lang
In Afrika, wo es so warem.

In Afrika bei de Fremdelegion,
Mer kann sich demit net brischde;
Schdreit hadd er gehadd mit 'm Schulz seiⁿ Sohn
Un muß itwer die Grenz sich flichde;
Un er de reichschde Bauer im Krääs
Allähⁿ un vun alle verlosse,
Raam, daß er e ferner Verwandter noch wääß,
Dem er seiⁿ Vermeege muß losse.

Un seiⁿ Haus un Hof, seiⁿ Vann un Vieh
Un alles waß er in den Johre,
Sesammegegrabschd mit Nood un mit Mieh
Geht noh un noh jetzt verloore;
Dann sesammesehalle seiⁿ Sach un seiⁿ Knebb
Un es noch se mehre schdrewe,

Isß heidsedag de Leid nimmi gebb,
Die dhun in de Dag eneiⁿ lewe.

Un wie er dodriwer nohsimulerd
Un ihm faschd es Herz will breche,
Do issem als ob er es iwer sich hehrt
De Nächstbaam krege un schbreche:
„Geh schäm dich Alder, wer merd sich lang
Dodriwer Gedanke mache,
Guck mich aⁿ, meer isseß grad so gang
Nah ich hann verlernd desß Lache.“

„Nah mich hadd gedroff mancher Blitz un Schlagg
Gedroff oft bis in die Däärem
Die Nischd un die Zweige meer abgehakt
Un waren doch aah meiⁿ Näärem.
Un doch frää ich mich noch am Sunnescheiⁿ
Dhut Saft noch dreime un schdrewe;
De Mensch isß net do for glücklich se seiⁿ,
De Mensch isß do for se — lewe.“

